

5 241

DIE XXVI. JANUARIJ.
IN FESTO
S. PAVLÆ VIDVÆ.

SEMIDUPLEX.

*Omnia de Comm. non v. nec
M. præter illa, quæ sequuntur.*

ORATIO.

DEus, qui B. Paulam
famulam tuam, spre-
tis mundi deliciis, post
insignia virtutum incre-
menta, ibi voluisti nasci
cælo, ubi Unigenitus
tuus natus est mundo:
concede propitiùs, ut ejus
exemplo terrena cuncta
despicientes, cœlestia cõ-
sequi mereamur. Per
eundem Dñm. & c.

AD MATUTINUM.

Lect. 1. Noct. de Script. occ.

IN II. NOCTUR.

Lectio iv.

Ex Epist. 27. S. Hieronym.

PAula matrona Roma-
na è nobilissimo Se-
natorum genere, sed vitæ
sanctitate multo nobilior,
mortuo Toxotio paris
nobilitatis viro, cui quin-
que liberos ediderat: to-

tam se ad Dominum con-
vertit, & copiosas cœpit
divitias in Christi paupe-
res tanto affectu erogare,
ut eos totâ urbe perqui-
reret, & damnum putaret
(ut de eâ S. Hieron. scri-
bit) si quisquam debilis, &
esuriens cibo sustentare-
tur alterius: quo in studio
usque ad mortem perse-
verans, dicebat interdû,
se id voti habere; ut men-
dicans moreretur, & in
suo funere alienâ sindone
involveretur. Cùm autem
ob quasdam Ecclesiarum
dissensiones, Orientis, &
Occidentis Episcopi Ro-
mam, S. Damaso Pontifi-
ce, convenissent, S. Epi-
phanium Salaminẽ Cypri
Episcopum hospitio ex-
cepit, & Paulinum Antio-
chiæ omnibus charitatis
officiis colere studuit,
quorû accensa virtutibus,

pa

patriam deferere, & ad
eremū pergere gestiebat.
Quare urbis frequentiam,
& ora laudantium fuge-
re festinans, & parvulam
Bethlehem-Romę præfer-
re volens, tandem ad
Portum Romanum navi-
gatura descendit, fratre,
propinquis, ac liberis
prosequentibus, & piam
matrem maternā charita-
te retinere cupientibus.
Illa verò, quamvis visce-
ra ejus dolore torqueren-
tur, siccos ad cælum ten-
debat oculos, & pietatem
in filios pietate in Deum
superans, nesciebat se
matrem, ut Christi pro-
baret ancillam.

✱. Propter veritatem.

lectio v.

Navi igitur conscensa
cum Eustochio filia,
quæ propositi, & naviga-
tionis ejus comes erat, alis
fidei sumptis, Hierosoly-
mam, & sancta loca in-
credibili ardore videre
cupiebat. Quare cum Cy-
prum primum, deinde Se-
leuciam appulisset, in Sy-

riam, & Palæstinam ve-
nit: cujus cuncta sacra
monumenta tanto studio
ac pietate circumivit, ut
nisi ad reliqua festinaret,
à primis non posset ab-
duci. Denique Bethlehem
substitit mansura perpe-
tuò: ubi structis quatuor
Monasteriis, uno Viro-
rum, quod S. Hieronymus
gubernaturus susceptis
aliis Virginum, reliquum
vitæ iter admirabili san-
ctitate confecit. Humili-
tatis virtus in eā maxime
enituit; nihil ea clemen-
tius; nihil erga humi-
blius fuit. Invidorum
calumnias, & sæculi va-
rias tentationes summa
patientia, & mansuetudi-
ne toleravit. Tarda erat
ad loquendum, & velox
ad audiendum. Sanctas
Scripturas tenebat me-
moriter, & vetus, ac no-
vum Testamentum assi-
duè perlegebat. Hebræam
linguam discere voluit,
& consequuta est ita, ut
Psalmos Hebræicè caner-
et, & sermonem illum,
quasi

quasi nativum; personaret. Super durissimam humum stratis ciliciolis quiescebat, si tamen quies dicenda est, quæ jugibus penè orationibus dies, noctesque jungebat. Mollia etiam in gravissimâ febre lectuli strata non habuit. Tantæ autem continentia fuit, ut propè mensuram excederet, & debilitatem corporis nimis jejuniis, ac labore contraheret: exceptisque diebus festis, vix oleum in cibo caperet. Neque adduci ullo modo potuit, ut ad vires corporis reficiendas vino uteretur. Egrotantes miris obsequiis, ac ministeriis confovebat: cumque aliis languentibus largè præberet omnia, si quando ipsa ægrotaffet, sibi non indulgebat; & in eo inæqualis videbatur, quod in aliis clementiam, in se duritiam commutabat.

*. Dilexisti.

Lectio vi.

TAndem cum in gravissimam valetudinem incidisset, ac mortem adesse sentire, & frigente aliâ parte corporis, animæ tepor in solo pectore palpitaret, quasi ad suos pergeret, alienosque desereret, illos versiculos usque ad expirationem animæ repetebat: Domine, dilexi decorem domus tuæ, & locum habitationis gloriæ tuæ; & Quam dilecta tabernacula tua Domine virtutum, concupiscit, & deficit anima mea in atria Domini: digitoque Crucis signum in labiis imprimens, sanctissimam animam Deo reddidit septimo Kalendas Februarii, ætatis suæ anno quinquagesimo sexto. Translataque Episcoporum manibus in Ecclesiam Speluncæ, totâ ad funus ejus Palæstinarum urbium turbâ concurrente, Monachorum, virginum, viduarum, & pauperum, qui ad exemplum Dorcadis, vestes ab eâ præbitas

4
bitas ostendebant: Triduo
post subter Ecclesiam jux-
ta specum Domini con-
dita est.

«. Fallax gratia.

Lectiones tertii Nocturni.

Homil. S. Gregorii Papæ in

Evang. Simile est regnum
Cœlorum thesauro ab-
scondito, de Commun. primi
loco.

Miss. Cognovi, de eodem

Commun. Orat. Deus, qui

B. Paulam, ut supra.

HISPANIARUM.

Cum serenissimus Hispaniarum Rex suis peculiaribus
litteris ad magis promovendum cultum Sanctæ Paulæ
viava SS. D. N. Clementi Papæ XII. pro extensione illius
officii, & Missæ, non minus pie, quam enixe supplicavit:
huiusmodi verò instantia à sanctitate sua ad Sac. Ro-
manæ Congregationem remissa, ac per Eminentissimum, &
Rever. D. Cardinalem Zondadari relata, Sac. eadem Congre-
gatio petitum officium, & Missam singulis annis pro die festo
ipsius Sanctæ in omnibus Hispaniarum Regnis ab univer-
so Clero seculari, & Regulari utriusque sexus, sub ritu
semiduplici, servatis tamen Rubricis, concedi posse censuit.
SS. D. Nostro visum fuerit. Die 15. Maii 1734.

Factaque deinde per me secretarium de prædictis SS. D.
N. relatione, sanctitas sua benignè annuit. Die 24. ejus-
dem mensis, & anni 1734.

A. F. Card. Zondadari Pro-Pref.

Loco X sigilli.

N. M. Tedeschi Archiep. Apam.
Sac. Rit. Congr. Secret.